

10 ASO TALOSAGA – 2018

Aso Sefulu_10

O Tagitagi Auro ma Rimoni

A āfua 'ona faia o ia mea, 'ia tepa a'e 'outou ma 'ia ea i luga o 'outou ulu; auā e latalata 'ina fa'aolaina 'outou. Luka 21:28

O tagitagi (logo) auro i le laei o le Osi Taulaga Sili na auvatu ai le leo faailoilo i le nu'u o lo o soifua pea ma o lo o galue faapuluvaga pea mo i latou i le Potu Sili ona Paia. A o tu pea Keriso mo i tatou i le Nofoga Sili ona Paia, e ui lava tatou te le lagonaina ni logo i ona laei, ae ao pea ona tatou maitauina ma le toto'a faailoilo e ta'u mai ai o le a lata ina uma Lana galuega faa-Ositalaga ae afio mai loa o se Faamasino ae o se Tupu fo'i.

E faatasi i le tausaga ona ulufale le ositulaga sili i le nofoaga sili ona paia, i le mae'a ai ona tapenapena ma le faaeteete mea uma. E leai se tasi e mafai ona vaaia i ona mata ma ola pea i totonu o le nofoaga sili ona paia ae na o le ositalaga sili lava e mafai ona vaaia i le mamalu ma le matagofie o le potu, aua o se nofoaga faapitoa lava e vaaia ai le pupula na'uā o le Atua. E ulufale ai le osi taulaga sili ma le migao, a o faatali atu le nu'u i lona toe fo'i mai fafo ma le filemu e mamalu. O lo latou faanaunauga faatauanau o le Atua i ana faamanuiaga. I luma o le nofoa o le alofa tunoa, e talanoa ai le Atua ma le ositalaga sili. Afai ae ua fai sina umi ona iai i le nofoaga sili ona paia, e tele lava ina gatete ai tagata ina ne i avea a latou agasala po o agasala fo'i a le ositalaga ma mafuaaga e taia ai o ia e le pupula o le mamalu o le Atua ma oti ai. Ae afai e tagitagi mai leo o tagitagi auro, latou te lagona lava le to'afilemu. Ona sau ai lea o ia i fafo ma faamanuia le nu'u. (*The Spirit of Prophecy*, vol. 1, pp.274, 275)

A o alu ese mai Iesu mai le nofoaga sili ona paia, sa ou faalogoina leo o logo i ona laei; a o aluese atu o Ia, sa ufitia tagata o lo nofoia le fogaeleele. Ua leai sē e tu i le va o le tagata tausalaina ma le Atua ua ō latou faanoono i ai. (*Early Writings*, p. 280)

Ua lapataia e Keriso ona tagata ina ia maitau faailoilo o Lona toe foi faalua mai, ma ia fiafia auā o le a o latou vaaia faailoga o le toe fo'i mai o lo latou Tupu. "Pe a amata ona tutupu nei mea, ia tepa a'e 'outou ma 'ia ea i luga o 'outou ulu; auā e latalata 'ina fa'aolaina 'outou. Sa ia faasino ē na mulimuli ia te Ia i laau lau olaola o le vaitau o le Lauolaola ma faapea mai "pe a fa'ato'ā mātala mai lau, 'ua 'outou va'ai, 'ona 'outou iloa ai lea 'ua latalata le tau vevela. 'Ia fa'apea fo'i 'outou, pe a iloa e 'outou ia mea 'ua faia, 'ia 'outou iloa 'ua latalata le mālō o le Atua. (Luka 21:28, 30, 31) (*The Great Controversy* (1888), p. 308)

10 ASO TALOSAGA – 2018

Aso Sefulu_10

Sa talanoa Keriso i ona so’o i luga o le Mauga o Olive e faatatau i Lona toe fo’ifaalua mai i le lalolagi. Sa ia faailoa ai ni isi o faailoilo faapitoa e iloa ai le lata tele o Lona afio mai, ma ia lapata’i ona so’o ina ia mataala ma sauni. Sa ia toe faia fo’i lea lapataiga, “A ia mataala, aua tou te le iloa le aso po o le itula o le aso e afio mai ai le Atalii o le tagata.” Ona ia faailoa mai lea o le uiga o le mataala mo Lona afio mai. E le tatau ona faaalu lou taimi i le na o le nofonofo ma faatali, ae ia galulue ma le mataalia. (*Christ’s Object Lessons*, p. 325)

E iai i latou i le lalolagi i ona po nei e pupuni o latou mata mai faailoga ua lapata’i mai ai e Keriso tagata e faatatau i Lona afio mai. E latou te saili ina ia faafilemuina le popole vale o tagata, ae i le taimi e tasi ua atili ai le faatelevave ona faataunuuina faailoga ma atili ona lata ai le lalolagi i le taimi e faaalua ai le Atalii o le tagata i ao o le lagi. O lo o lapata’i mai Paulo o le agasala le lē āmanaia o faailoilo e muamua mai i le afio mai o Keriso. O i latou uma e agasala i le faatuatua’i i faailoilo nei e taua e Paulo o fanau o le po ma le pouliuli. Ae o lana faamalosiga mo i latou o ē finau ma mataala i upu nei: “A o ‘outou, le ‘au uso e, tou te lē o i le pouliuli, ‘ia maua mai ai ‘outou e lenā aso, pei o se gaoi. O tagata o le malamalama ‘outou uma lava, ma tagata o le ao; tatou te lē o i le po ma le pouliuli. O lea, ‘aua ne’i tatou momoe ai fa’apei o isi, a ‘ia tatou mataala, ma ‘ia fa’autauta.”(1 Tesalonia 5:4) (*The Acts of the Apostles*, p. 260)

E mamafa lava ia i tatou le tulaga o le ekalesia i le taimi nei ma tagata ua leva ona malamalama i ia mea o le a tutupu ma fufu mai ai le tapunia o le taimi i le faataunuuina o le talafaasolopito e pei ona valoia. E afio mai Keriso ma le mana i le mamalu tele, ma faamasinoina ai ē ua oti e tusa o mea sa tusia i tusa ma a latou galuega sa fai.” O le a faaumaina ai le galuega i le falefetafa’i a Lē sa: 1) tu e fai mo tatou puluvaga, e faafofoga i tatalo uma e faia i le salamō ma faatoga mo se faamagaloga; 2) e faatusaina i le nuanua, le faatusa o le alofa ma le alofatunua, na si’osi’omia ai Lona ao. O Ia lea sa fai ma vaaiga i ona tagata, ma o le a faae’e i ai lona tofi- o le Faamasino Silisili. “Ua tuuina atu uma e le Tama le faamsinoga i Lona Alo...ma auvatu ai le pule e faia ai faaiuga uma o le faamasinoga, auā o Ia fo’i o le Atalii o le tagata. O Iā Peteru, O Ia lea na faau’uina e Na te faamasinoina ē ola ma ē oti.” “Ua Ia atofaina le aso, e fa’amasinoina ai le lalolagi ma le tonu, e le tagata ‘ua faau’uina e Ia.” (Galuega 17:31) (*Review and Herald*, Jan. 1, 1889, par. 1)